

(1)

D E
FRANCISCI DANIELII

STUDIIS SCRIPTISQUE

COMMENTARIUS

NICOLAI CIAMPITTII

METROPOLITANÆ ECCLESIAE NEAPOLITANÆ

CANONICI

REGIIQUE ELOQUENTIAE PROFESSORIS

ET SOCI

ACADEMIAE HERCULANENSIS.

Τυτλιον δ' α'ρεται πων

Τοις θαυουσι α'γαλμα.

EURIP. IN ANDROM.



NEAPOLI

Apud Dominicum Sangiacomo

MDCCXVIII.

DE
LAWSON & DANIEL

STATIONERS

10, N. 10th St., N.Y.

NEW YORK & LONDON

PRINTERS OF THE NEW YORK PUBLIC LIBRARY

ASTOR LENOX TILDEN FOUNDATION

AND THE NEW YORK BOTANICAL GARDEN

11, N. 10th St.

NEW YORK

Printed by the
The New York Public Library

11, N. 10th St., N.Y.



NEW YORK

Copyrighted by the
New York Public Library

NEW YORK

VIRO EXCELLENTISSIMO
ALOYSIO MEDICAE
FERDINANDI REGIS A SECRETIS
ET ADMINISTRANDIS
REGNI UNIVERSI VECTIGALIBUS
PRAEFECTO
NICOLAUS CIAMPITTIUS
S. P. D.

Quanti nobilissimam domum
tuam fecerit Franciscus Danie-
lius, quantaque coluerit obser-
vantia, norunt universi. Quae
autem eius exstiterit in Te prae-
sentem voluntas, Tute testis es-
se potes: qua vero honoris fue-

rit benevolentiaeque significatio-
ne absentem prosequutus , testes
appellare possem quamplurimos.
Quamplurimi enim persaepe illum
audire id temporis praedicantem,
vix unum ex hominibus nostris al-
terumque reperiri qui Tecum in-
genii praestantia conferri posset ;
qui vero anteferretur , esse ne-
minem. Quam hominis singulari
iudicio , atque a tenuissima adu-
lationis suspicione maxime alieni
sententiam praeclarae illae maxi-
maeque res , quas gessisti , ac geris
in hoc altissimo dignitatis gradu
collocatus, satis superque compro-
barunt. Huius equidem viri studia,
et scripta brevi complexus sum
commentario : quem si ad Te

mitterem; minime ingratam me
Tibi rem facturum esse autuma-
vi. Etenim ex eo, si perpusil-
lum subcisivi temporis nactus
eris, licueritque illuc oculos
conicere; veterem amicum Tui
Tuorumque amantissimum agno-
scere poteris, eidemque veluti
apud Te diversanti non exiguum
gloriam animi ingenique virtu-
te comparatam identidem gratu-
lari. Munusculum igitur leviden-
se illud quidem, crassoque, ut
ille inquiebat, filo, sed mutuae
inter me ipsumque amicitiae de-
bitum ne pro Tua humanitate
accipere dedigneris etiam atque
etiam rogo. Vive, Excellentissi-
me Vir, valeque quam diutissime.

1
[The text on this page is extremely faint and largely illegible. It appears to be a list or a series of entries, possibly related to a historical or scientific record. The text is arranged in several lines, with some words being more legible than others. The overall quality of the image is poor, with significant noise and low contrast.]

LECTORI BENEVOLO:

*P*aucis a Francisci Danielii obitu diebus, quum primus habitus est academicus conventus, clarissimi viri Academiae erepti memoriam honestandam esse collegae censuerunt, idque mihi muneris de communi sententia demandarunt. Equidem etsi tanti hominis mihi, quae amicissimi jactura eram animo perturbato; illud tamen onus suscepti non invitus. Quum enim collegarum voluntati obsecundare ad officium pertinere arbitrabar; tum vero nimium sane quantum discupiebam aliquod mutui inter me, et Danielium amoris monumentum publice exstare, quod animum adversus illum memorem gratumque testificaretur. Festinandum igitur existinavi, quo celerius illae veluti inferiae piis collegae manibus mitterentur. Verum vix calamum in manus sumsi, vix mentem operi adjecti, quum nec mens, nec manus

munere fungebatur suo. Adeo totus aegritudine torpere videbar et languescere. Itaque illud mihi consilium necessario capiendum fuit, ut me sustinerem aliquantisper, donec doloris sese frangeret vis, eiusque morsu animus conquiesceret. Interea, dum hanc mentis quietem expectarem ad scribendum peropportunam; ecce tibi capitis vertigine laborare coepi. Quae primum ita me vehementer arripuit, domo ut a prandio prodeuntem humi prostraverit. Atque ea valetudo alias gravior, alias levior annum ipsum me habuit sollicitum et a meorum studiorum ratione omnino abduxit. Illud tamen mihi solatio fuit, quod, me, contra atque desiderabam, silente, Danielii ab amicis virtus praedicabatur. Nam ejus vitam Josephus Castaldius appellationum iudex brevem illam quidem sed concinnam, et expositam conscripsit: Prosper autem de Rosa eques, itemque iudex appellationum domi suae perelegantem de ipsius laudibus orationem habuit in doctorum

hominum conventu, qui vario carminum genere eundem illum celebrarunt. Ubi elegos ego quoque recitavi nescio quam bona cum Apollinis gratia exaratos: carptim enim memini me, quum a capitis molestia respirarem, raptimque chartae illevisse. Porro ea morbi pertinacia si non plane, satis tamen edomita, aliis sum deinceps atque aliis affectus incommotis, quae ab illa, quam promiseram, me descriptione distraxere.

Iam autem non multis ante mensibus Ioannis Andresii sanctissimi, doctissimique viri mors nos luctu cumulavit. Quem laudatione quam collegae pro hominis dignitate prosequendum scivissent; Danielii est iniecta mentio, a meque efflagitatum est, ut quod diu deberem, tandem aliquando persolverem. Heic vero, etsi culpa id mea factum non fuerat; tamen quidam me pudor minime subrusticus pupugit, compulsi- que cogitationem ad eum laborem curamque adiungere. Itaque hic a me de Danielii

studiis scriptisque elucubratus est commentariolus, et de collegarum sententia evulgatus. Atque hae fuere, lector benevole, rationes, quamobrem haec tamdiu dilata scriptiuncula fuerit, et nunc tandem, cum Deo bene iuvante, lucem adspiciat: quas quidem rationes per me tibi cognitae esse volui, ne, si cognoscendi te desiderium incesset, aliunde expiscari deberes. Vale.

*Dat. Neapoli Postridie Non.
Augusti c1510cccXVII.*

Œaepenumero multumque cogitavi, neque adhuc satis idoneam reperire causam potui, cur fieret, ut homines adversa, quam secunda amicorum fortuna vehementius commoverentur. Laetamur nos quidem, ac mirum in modum laetamur, quum vel rei familiaris, vel honoris amico factam accessionem esse rescivimus, praeclareque cum ipso actum prope exultantes gaudio praedicamus. Sed quanto gravius afficimur, quantoque acerbius dolemus, si quis afflaverit rumuseulus, amicorum quempiam fortunarum, valetudinis, aut existimationis periculum aditum? Ne punctum quidem temporis licebit aegritudine usque eo vacare, dum satis amici res salvas esse cognoverimus. Quare illorum me sententiae adstipulatorem facile adscriberem, qui ab ea illud causa proficisci credidere, quod, quum amicorum virtutem plane cognitam perspectamque habere videamur; quid-

quid fauste, prospereque ceciderit, infra
eorum merita positum esse ducimus, mul-
toque illis maiora deberi arbitramur. Rur-
sus autem, si qua cum calamitate, con-
tra atque eorum dignitas flagitaret, con-
flictari viderimus; tum enim vero fa-
ctu indignissimum iudicamus, ferimusque
aegerrime tantam virtutem, cui nihil non
ultra deferendum esset; a fortunae sese
hominumque iniuria vindicare minime
potuisse. Atque id maxime in eorundem
ipsorum obitu persentiscimus: quos enim
singulari quadam laude praestantes patriae
non minori esse ornameto, quam usui
perspiciebamus; ac, si fieri posset, im-
mortales fore cupiebamus; praemature
eos fato nobis eripi, eamque lucem, quae
laeta omnibus affulgere videbatur, subito
occidere angimur non usitato sensu acer-
bitatis. Quod si unquam alias, in casu
certe Francisci Danielii viri vitae inte-
gritate, morum incunditate, doctrinae-
que pelioris excellentia clarissimi per-
spectum est: nemo enim exstitit ingenii
paullo humanioris, quin illius morte ma-

guopere commotus sit: perdifficile autem dictu est, quantus infelici illo nuntio pervenerit ad amicos dolor atque aegritudo.

Nolim vero, quenquam mihi huius viri elogium edituro succensere, quasi ad refricandam vulneris illius cicatricem si non obductam, ipso certe temporis decursu coeuntem veluti venenatus quidam unguis, accedam. Alterutrum enim faciedum fuit, aut collegas de collegae benemerentissimi memoria silere, patique illud sine ulla honoris significatione abire, aut amicis dolorem aliquem vulneris recrudescens inurere: quorum alterum ab officii regione omnino, alterum ab humanitate paulum deflectere videbatur. Perferant ergo tantisper dolorem suum, sinantque nos officio fungi debito praesertim ac necessario. Quamquam fore confido, ut, me Danielii vitam prius, quod aiunt, lineamentis deformante, ea ex inchoata rudique hac tabula species luceat, quae laetitia potius, quam moerore perfundat animos intuentium. Etenim illa demum vita putanda est, quae non brevi

paucorum annorum curriculo terminetur, sed quae, quum pie sancteque, bonarumque disciplinarum agitatione traducta tota sit, diuturna inter homines memoria propagetur, et apud Deum virtutis praemium adsequuta vigeat sempiterna.

Franciscus Danielius pridie Idus Aprilis c1010ccxl Sanclemente natus est in pago et amoenitate coeli, et soli ubertate totius fere Campaniae pulcherrimo: quì c10 passuum intervallo Caserta distat, urbe praetorii regii magnificentia longe nobilissima. Patrem habuit Dominicum satis litteratum hominem, et in iuris prudentia non mediocriter versatum: qui, quum viam ad opes sibi, honoresque munire potuisset, si in civium oculis habitare, causasque actitare in foro voluisset; rem familiarem iusta parsimonia tueri, quam opera forensi amplificare maluit, et sub domesticorum parietum umbra latere quietus, quam curis enectus ad lucem emergere munerum publicorum. Itaque Sanclemente, ubi maiores aliquot ante annis forum

sedem et domicilium defixerant, nunquam discedere, ibique vitam ab negotiorum molestia vacuam vivere cogitavit. Quod patris consilium is natu grandis tamquam sapiente dignum laudare solebat, nedum reprehendere: eamque in rem fabellam a patre narratam scite, ut suus erat mos, iucundeque commemorabat.

Licet autem animo Dominicus ab omni contentione esset alieno: tamen ad officii sui rationem optimam liberorum institutionem pertinere apprime arbitrabatur, quam si parentes quavis de causa posthaberent, facinus rebatur illos in se consciscere non modo vituperatione, sed supplicio puniendum. Itaque nihil industriae suae reliquum fecit, quominus via non vulgari, summaque diligentia liberi instituerentur, iisque imbuerentur litteris, sine quibus praestantiores ipsae doctrinae nihil gratiae, nihilque splendoris sunt habiturae. Neque parentem optimum operae inibi locatae poenituit: mature enim in adolescentulo sese prodidit erecta indoles, et ad praeclara na-

tura prope facta: laetum ac felix ingenium: incredibilis discendi aviditas. Eodem accedebat iudicii maturitas quaedam, quae ab illa aetate solet sine hominum querela abesse, et memoria rerum, verborumque tenax, pulcherrimus illè disciplinarum thesaurus: quo si quem natura minime benigna ditare noluerit; vix est quod diuturno improboque labore speret, in aliquem se numerum perventurum. Ad haec bona etiam fortuna navum adolescentem et industrium respexit, auctumque voluit ope poene insperata: quod nisi contigisset, ad eam fortasse, quam consequutus est, laudem non potuisset aspirare. Frat. Caputrisi non longe admodum Sanctamente Marcus Mundius vir cum magna doctrina, tum vero graeci, latini, etruscique sermonis peritia singulari: qui classicis scriptoribus summa diligentia perlectis non solum virtutes illorum videresque omnes pervestigarat, sed etiam vim, copiam, elegantiamque scribendo prorsus versaque oratione expresserat. Is Danielis uteba-

tur per familiariter, domumque frequens
 ventitabat, atque ab adolescentulo posce-
 bat uti fieri solet, studiorum rationem.
 Quod ubi iterum tertioque fecisset, in-
 genio illius, iudicioque caputs adeo est,
 ut eum sibi deinceps instituendum su-
 sceperit. Hoc autem tam egregio viae
 monstratore ac duce poterit per se quis-
 que intelligere, quanta forvidus iam ado-
 lescens alacritate universum bonarum lit-
 terarum spatium decucurrerit, ad cal-
 cemque pervenerit. Atque heic Mundius
 ipse patri auctor fuit, ne quam interiice-
 ret moram, quominus adolescentem in
 urbem deduceret, ubi universae philoso-
 phiae, iurisque prudentiae studiis infor-
 maretur: fieri enim nequaquam posse,
 quin quaevis doctrinarum semina eius
 animo tanquam agro subacto satis atque
 molito committerentur, lactissime pullu-
 larent, fructumque ferrent uberrimum.
 Mundii dicto pater, qui nihil malebat,
 quam filium quam doctissimum esse, au-
 diens fuit, atque adolescentem Neapolim
 perduxit.

Abundabat ea tempestate urbs haec hominibus eruditissimis, liberalissimisque studiis affluebat. Nec mirum id cuiquam videri debet: paucis enim ante annis quum Carolus III optimus Princeps regno armis recepto atque ex humili provinciae conditione vindicato, sedem Neapoli regiam collocasset; quemadmodum agricolarum industria, mercatorum dexteritas, opificum solertia quasi intermortua velut ad vitam fuere revocata; ita quoque studia artium optunarum; etsi a nostris intermissa admirabili quadam ingeniorum felicitate non fuerant; tamen eadem illa vi praesentissima tanquam acrius excitata impensius colebantur. In urbem igitur postquam demigravit, doctissimis praeceptoribus erudiendus traditus est; quorum disciplina, ut generosae vitis propago in feliciorum terram translata, cocloque benigniori exposita agricolae spem antevertit; sic ille omnium expectationem superavit, omnesque philosophiae, et iuris privati, publicique partes arripuit incredibili prope animi contentione. Dum

autem a magistris doceretur, nullum sibi diem effluere patiebatur, quin quod piam ex maioribus illis civitatis luminibus salutatum adiret: quorum domum, quum quidquid hominum esset cultiorum conflueret; doctissima ille omnium consuetudine fruebatur, et ad omnem sapientiam audiendo, percontandoque expoliabatur. Per mihi longum esset singulos recensere, nefas quemquam praeterire: unum igitur illud addam, neminem ex tot clarissimis viris exstitisse, cui non ingenii acumine, et morum nativa quadam ingenuitate carissimus fuerit. Ac Mazochius quidem, magnus ille immortalisque vir, quem et domi invisabat, et deambulante adsectabatur, quum aliquam ex veteri scriptore sententiam vellet commemorare, neque statim memoriae occurreret, ad Danielium conversus *Rogemus*, inquebat subridens, *iuvenem memoriorum*. Genovesius vero, qui philosophiam, detracto vestitu illo, quo dedecorabatur, pannooso atque horrido, prius inter nos liberali, ut honesti loci ordinisque ma-

tronam decebat, cultu ornavit, perhonorificam ipsius mentionem in *Metaphysicorum libris* (1), atque in *epistolis* iniecit (2).

Annū vicesimū natus erat Danielius, absolutūque studiorum curriculum domi remeticbatur, quū amicis foro maturus visus est, caussisque agendis idoneus: itaque eorum cohortatione in forum descendit. Ibi quidem, quocūque coniceres oculos; magistratus adspiceres auctoritate et sapientia insignes: adspiceres patronos non modo in iureconsultorum schola exercitatos, sed in Musarum etiam sinu innutritos. Quare magnus tū erat Fori Neapolitani splendor, magna dignitas, veteremque illam a maioribus acceptam gloriam tuebatur. Haec autem amplitudinis forma iuveni primum obiecta tantum abfuit, ut aciem oculorum praestrinxerit: novas ipsi veluti faces subiecit, animūque laudis

(1) *Vol. I. pag. 228. Ed. 1764.*

(2) *Vol. II. p. 133.*

studio calentem inflammavit. Propositum siquidem ipsi fuit, aequales anteire, maioribus natu instare, cum clarissimo quoque certare. Atque ex una alteraque, quam egit, scripsit, ediditque, causa omnium in se oculos convertit: tanta erat iuris cognitio, tantus rerum ordo, tanta concinnitas puritasque orationis.

Neque vero forensis opera ahamoenioribus litteris, quas in primis deamabat, avocare eum poterat. Quamobrem, quum in manus forte fortuna Antonii Thylesii opusculum incidisset, viri graece latineque doctissimi, et eruditorum aetatis suae facile principis sapientiam scriptoris, elegantiamque saeculo augustaeque invidendam admiratus, illam cogitationem iuvene bonarum artium perstudioso dignissimam suscepit colligendi, edendique quidquid ab tam erudita foret exaratum manu, possetque vel in bibliothecis scrutari, vel amicorum benevolentia nancisci. Atque ad hunc laborem alacrius perferendum aliae quoque additae causae fuere. Praeter enim quam quod Aemi-

lio Iannutio, quem observabat, homini moribus antiquis, neque a litteris imparato, cum Thylesiis vero affinitate coniuncto se gratificaturum existimaret; Academiae Consentinae, quae viris eruditissimis celebrabatur, Thylesiisque dignitatem ferè suam acceptam referebat, quod sese inter collegas paullo ante adscripserat, debitas officii partes persolvere statuerat. Ornando enim Thylesio universam Academiam videbatur ornare. Itaque anno MDCCCLXII typis Simonianis Antonii Thylesii opuscula diligentissime, elegantissimeque evulganda, iisque de Thylesii rebus commentarium praeponendum curavit. Quem sane commentarium ubi tu attente perlegeris, dubitabis profecto quidnam, rerum ne delectum atque ordinem, an latialis sermonis castimoniam, an iudicii in extricanda litteraria illius aevi historia subtilitatem, an maiori praeconio commendandum putes. Illud certe dubitari minime potest, quin primò ille ingenii fetus non solum apud huius urbis, sed etiam totius Ita-

liae doctissimos viros magnam Danielio existimationem comparaverit : ex quibus non pauci datis ad eum litteris gratulati maxime sunt, quod iuvenis (alterum enim et vicesimum annum ingressus erat) praeclare perfecisset, quod ab homine expectandum erat corroborata aetate, subactoque iudicio. Atque Comes quidem Mazzuchellius magnas ipsi gratias habiturum epistola sua significavit, quod labore illo tam accurato, magno se labore levasset, quum de Antonio Thylesio agendum sibi esset. Carolus vero le Beau perpetuus Academiae Parisiensis scriba litteras ad eum dedit humanitatis sparsas, et amoris insignes notas, gratiasque et Academicorum, quibus librum legerat, et suo egit nomine pro opera tam bene in edendo aureo illo scriptore collocata.

Interea dum studiis forensibus attineretur ita tamen, ut a Musis, amoribus suis, nequaquam divelleretur; ecce tibi e vivis sublatus est Marcus Mundius, qui licet senecta aetate cessisset e vita, nihilo

tamen scitius magnum omnibus tantae
 virtutis, et doctrinae iactura dolorem at-
 tulit. Danielio vero tantum quantum
 carissimū obitus magistri discipulo mini-
 me mortaliū omnium ingrato asserre
 potuit. Ut autem maerorem animo ex
 illius desiderio offusum simul aliqua ex
 parte dispelleret, simul hominis tam egre-
 gie de se meriti memoriae consulere; alio
 quodam officiorum genere illi parentan-
 dum censuit. In hetruscum sermonem
 verterat Andriam Terentianam Mundius,
 sed argumento, atque deconomia servata,
 ad ingenium illam moresque nostros con-
 formaverat: quodque in Andria Menandri
 Terentius sibi licuisse tradiderat; idem
 sibi in Terentiana licere indicavit: quare
 nihil illa fieri poterat scitius, nihil ele-
 gantius. Ad haec complures pro re nata
 inscriptiones, et epigrammata latine scrip-
 serat antiquam illam Romanorum simpli-
 citatem et munditiam redolentia. Ad ex-
 tremum hetrusca carmina iuvenis adhuc,
 sed senili sapientia respersa, filoque can-
 didissimo contexerat. Haec omnia, quae

ex plerisque illius scriptionibus supererant, domi Danielius custodiebat quavis indica gaza cariora. Huiusmodi opuscula an. ciroccclxv formis nitidissimis espressa ad Dominicum Caracciolum Marchionem misit cum epistola brevi illa quidem, sed pulcherrime elaborata. Verum in praefatione, quam praemittendam duxit, nusquam non se prodit exquisita eruditio, limatum iudicium, orationis quidam cultus minime vulgaris. Quam grata et huic urbi, et Italiae haec editio acciderit, quantoque et auctorem honore et editorem affecerit, possem pluribus heic doctissimorum hominum testimoniis confirmare. Sed instar omnium erit Franciscus Maria Zanottus, qui litteris Bononia ad Danielium scriptis, postquam opuscula et praefationem mirifice collaudasset; *Helvuriam*, inquit, *esse fortunatam si cum Neapoli hoc tempore de principatu non contenderet.* Qua summi, ac cerrimique harum rerum iudicis sententia nihil esse potest nomini neapolitano gloriosius.

Hoc autem labore defunctus, ut erat acer animi impigerque, alio cogitationem, mentemque convertit, remque non minus gratam bonarum litterarum amatoribus sese facturum existimavit. Ioannes Baptista Vicus eximia penitioris cuiusdam doctrinae laude apud nostros, exterosque nobilitatus, quum eloquentiam in Gymnasio Neapolitano profiteretur, plusculas ex veteri instituto orationes in solemnibus studiorum instauratione pro munere suo habuerat, easque seorsim in vulgus miserat. Hae quidem omnium manibus prius tritae, ex oculis deinde, ut in huiusmodi scriptunculis fieri solet, evanescunt, frustra quoque ultro citroque cursitando quantivis emturus ex tabernis librariis requireres. Multi interea, exterique cum primis, auctoris, credo, claritate perinoti, saepissime expetebant, auebantque fidelibus oculis usurpare. Horum Danielius desiderio facturus satis, eas diligenter conquisitas usitato typorum nitore an. MDCCCLXVI in lucem prodire iussit. Orationibus autem praefixit epistolam, in

qua pluribus de auctoris doctrina disputavit, ad Adeodatum Targianum Marchionem verbis lectissimis perscriptam, optimisque sententiis illuminatam: unde non minor ad Vicum, quam ad ipsam laus ex communi doctorum hominum sententia demanavit.

Heic vero, dum forensi et domestica, ut ita dicam, gloria afflueret Danielius; ex tam prospere instituto cursu, miserabili casu peracerboque; velut quadam tempestate subito coorta, abreptus, abstractusque fuit. Eodem enim die, eodemque anno, qui fuit Id. Ian. an. ciorocclxvi Pater, Patruusque mortem obierunt. Itaque Sanclementem advolavit suos, quum maxime ipse consolatione egeret, consolaturus, si posset, aut suas cum suorum lacrimis permisturus. Postquam autem is iusta parentaliorum patri, patruoque pro pietate sua persolvit, rei domesticae curam paterfamilias repente factus suscepit invitus.

Verum amor ille litterarum, quippe qui a teneris insitus, perpetuaque tot

annorum diligentia percussus admodum ip-
eius animo adoleverat; neque vel lautissi-
mi patrimonii procuratione multiplici at-
que implicata poterat, quasi aliquo sen-
ticeto, opprimi atque intermori. Lecti-
tando igitur magnam dici partem scrip-
titandoque dulcissime insumebat; eiusque
vitae rationem, quam ab urbe rediens
paullo sibi insuaviorem futuram dubita-
verat, re postea iucundissimam esse in-
tellexit, hominique libero, et liberaliter
instituto maxime accommodatam. Itaque
illa auro contra non cara vatis sapientis-
simi carmina identidem usurpabat:

*Sit mihi quod nunc est, etiam minus,
et mihi vivam*

*Quod superest aevi, si quid superesse
volunt Dii.*

*Sit mihi librorum et provisae frugis in
annum*

*Copia, ne fluitem dubiae spe pendulus
horae.*

Atque huic diversorio Sanclementino
referre acceptam debemus cupiditatem

illam, qua postea incredibiliter exarsit non mediocri bono rei litterariae. Et enim pagos, et urbes circumpositas ex intervallo aut otii, aut negotii causa adeunti saepe in oculos incurrebant marmora litterata vel abiecta secus viam, vel humi partim, defossa: accurrebat ille, legebat, statimque adipiscendi desiderio flagrabat. Itaque cum iis ad quos pertinebant, agere, instare, modo gratia, modo pretio auferre, domumque adportare. Quae sane cupiditas nihilo, dum vitam vixit, remissior fuit: eaque de causa ingentem eiusmodi cipporum numerum confecit: quos inter complures nondum editos, complures ad patrias res spectantes agnoscere licebit. Magna igitur erat Danielii museum apud omnes celebritate: neque mirari quisquam debet, si eruditissimus collega Nicolaus Ignarra in doctissimo illo de Phratriis Commentario (1) de eodem adnodum magnifice scripserit: *Cusertanum (Danielii) mu-*

(1) Pag. 153 adn. 4.

seum, innumeris prope dixerim inscriptionibus, signis, toreumatis, gemmisque locupletissimum. Utinam D. O. M. diuturnam huic Cl. V. vitam oliumque largiatur, uti tot venerandae antiquitatis reliquias ingenti, labore, atque aere collectas a se pro sua eruditione illustratas cum orbe litterario communicet. Hae tamen opes ne distraherentur illo demortuo, non levis erat doctorum hominum timor, qui parvulis saepe mercedulis praeclara nobis ab exteris monumenta erepta doluerunt. Sed Donati Thomasi Marchionis Ferdinandi Regis a Secretis, atque a Sanctioribus Iustitiae, Clementiae, Reique Ecclesiasticae Consiliis vigilantia hoc nos metu liberavit: is enim, quo in patriam est litterasque amore admirabili, Regi auctor fuit, ut omnia ab herede coemenda, et in museum regium inferenda mandaret. Quare Danielii memoriae non inglorium erit, suo unius studio factum, ne Museum regium, quod tanta tot insignium cimeliorum moltitudine, et raritate reliqua om-

nia antecederet, lapidam inscriptorum copia superaretur.

Sed hoc pretiosa antiquitatis monumenta conquirendi studium animi magno bonarum musarum amore incensi signum videri queat. Ille vero ingenii a musis ipsis enutriti, excultique fructus pulcherrimus existimari debet in eodem otio Sanclementino natus: illa, inquam, de Furcis Caudinis commentatio, ex qua Danielio ingens quaesita gloriae materies fuit. Forte enim fortuna Arpadiam, nescio qua de re perrecturus, quum vallem, quae ad oppidum ducit, ingrederetur, tum in cavam sese rupem demitteret, deinde in campum parvo interiecto spatio satis patentem veniret, extremam denique vallem iterum sub exitu perinde atque in ingressu se coartantem reperiret, universamque continuis montium hinc illincque impendentium iugis subiectam conspicaretur; illico ignominiosae cladis illius recordatione perculsus est, qua Samnites legiones Romanas C. Pontio duce affecerunt. Itaque nihil eo

die longius visum est , quam se domum recipere , atque historicos , qui res Romanas conscripserunt , evolutare , quaeque illi memoriae ea de re prodidere , cum iis , quae sibi iter per vallem arpadensem agenti iam oblata ante oculos fuerant , accurate comparare . Quibus iterum saepiusque perlectis , et diligenter consideratis , sibi plane persuasit , non Montis Sartii , sed Arpadii vallem fuisse , ubi , Romanorum fracta superbia , milites ducesque missi sub iugum fuere , contra atque Cluverius , et Holstenius magni nominis geographi , deque Italia antiqua optime meriti censuerunt . Atque , ut quod sibi persuasum erat , eruditis hominibus persuaderet , dissertationem de Furcis Caudinis scribere decrevit .

Per idem sane tempus Comes Wilzeckius Iosephi II Imperatoris apud Regem nostrum erat legatus , clarissimus cum prosapiae nobilitate , munerumque domi forisque gestorum gloria ; tum vero complurium disciplinarum gustu

quodam subtili atque eleganti, eximia-
 que in doctos homines voluntate. Is Ca-
 sertam non infrequens veniebat, neque
 ibidem diversabatur invitus: ac Danielium,
 cuius mores et ingenium probaverat,
 cum primis diligebat, eiusque consuetu-
 dine, et sermone familiari maxime duce-
 batur. Ergo apud Comitem amplissimum
 noster quod pridie eius diei sibi pedem in
 vallem arpadiensem inferenti acciderat,
 narravit vesperi in lectorum hominum,
 qui illum honoris, aut amicitiae caussa
 adibant, congressu: quae narratio et vi-
 quadam animata, et mira suavitate con-
 dita eo deduxit Wilzeckium, ut prae-
 sente, ubi dies illucesceret, vallem oculis
 lustrare constituerit, Danielio quidem
 duce, comite vero Horatio Cappellio nunc
 Marchione, et Ferdinandi Regis a Se-
 cretis, Domoque Augusta, qui magna
 virtute, multisque litteris apprime orna-
 tus cum utroque dulcissimo amoris vin-
 culo coniungebatur. Quam in rem, ut id
 obiter dicam, hetruscum carmen veteri
 illa maiorum elegantia et virili aene ornatu

Cappellius exaravit ab Danielio extrema dissertatione excusum. Itaque vix vallem subiere, quum singula, quae narraverat, digito monstrare Danielius, explicare, variisque, prout rogabatur, rationibus confirmare. Hic Comes vallis ingenium, fauces qua adiretur, quaque exiretur angustas, celeriter, ut se illuc romanus immiserat, occludendas ab hoste atque obsepiendas, continuos montes in magnam altitudinem erectos et utrimque superimpositos, omnia denique ad fraudem struendam peropportuna, quum iterum perdiligenter atque iterum contueretur, Danielio instare, urgere, ut scriptionem maturaret, spondere demum se collaturum symbolam, de suo scilicet curaturum, ut qua fieri maiori posset magnificentia opus illud ederetur. Haec hominis nobilissimi, amicissimique cohortatio currenti addidit calcaria, ut viris ille, quod aiunt, equisque ad pertexendam dissertationem, quae Furcae Caudinae inscripta fuit, incubuerit.

At iam inde ab eius rei exordio

duplicem sibi laborem subeundum esse
 prospexit, Cluverii primo sententiam
 evertere, deinde suam constabilire. Quod
 quo facilius adsequeretur, illud ad rem
 maxime fore existimavit, pervestigare
 nimirum undenam consules Lucerinis ac-
 cerrime oppugnatis (qui rumor Samni-
 tium fraude a militibus pastorum habi-
 tu dimissis per loca circa castra disper-
 sus permanarat ad Romanos, fidemque
 apud duces invenerat) opem laturo ca-
 stra movissent. Calatia, inquit, quemad-
 modum historici prodidere, Cluverius.
 Recte quidem: at magnus vir duplicem
 id temporis stetit Calatiam ignoravit:
 alteram cis Volturnum, trans Voltur-
 num alteram: quod Danielius, praecisa
 omni dubitatione, probat et veterum scri-
 ptorū, et Tabulae Peutingerianae au-
 thoritate. Non igitur ~~transfluviali~~, quod
 Cluverius animum induxerat; sed cisflu-
 viali Calatia, quae a Livio, quod alteri
 illi magnitudine opibusque cederet, *Ca-
 stellum Calatium*, a Silio *parvis Calatia
 muris* appellatur, Romanae praefectae *styt*

copiae, atque inde magnis itineribus per Appiae viae litem ab eodem Danelio detectum properantes recta in Arpadii vallem, atque adeo in insidias a Samnite instructas sese coniecere. Quod quidem iter quantum militi festinanti (rem enim lucerinam in arto positam esse iam crediderat) commodaret, pluribus disputat noster: rursus vero quam devia Montis Sartii vallis esset, quantum viae dispendium agmini romano afferret, ibidem ostendit. Adhaec edisserit quam eadem, amplitudine ipsa, a parandis insidiis foret aliena, quot effugiis pateret, quantasque praerberet evadendi audaci strenuoque militi opportunitates. Postremo ne fraudi sibi foret; a sententiaeque suae quempiam abduceret, quod nonnulli dictitabant, Arpadii vallem angustiore esse pro eo quod duo exercitus consulares capere posset; ipse quot tum milites, subductis, qui castra et impedimenta tenerentur, sub signis consules habere ad summum potuerint, tam accurate colligit, ut nemo, qui primoribus, quod

dicatur, labris veterem Romanorum militiam degustaverit, sit dubitaturus initas per illum rationes optime ipsa cum re convenire. Dimensa vero quaquaversus valle, adsignatoque cuique militum loco, quantum periti rei militaris duces militi vel in acie, vel in agmine praefinire solent; satis superque demonstrat arpadiensem vallem non modo copiam a consulibus ductam, sed multo etiam numerosiorem accipere potuisse. Quae universa tam paucis a me perstricta, eo sunt argumentorum robore ab illo explicata, eaque luce perfusa, ut tantum non locus ipse vocem mittere, et clamare videatur, se omnino caudinam esse vallem, se imperatores Romanos paludamentis, milites armis sagisque exutos vidisse, se gemitum audivisse indignantium, quod non virtute victi, sed fraude capti sub iugum ire ab hoste ferociente iuberentur.

Ante vero quam a caudina valle discederet Danielius, multum eo curae impendit operaeque, ut ubi Cadium, ubi

Cocceii villa, Caudique cauponae ab Horatio memoratae positae essent, anquiret; illustraretque complura monumenta quae iisdem ex locis prodire, atque ad res illas explanandas, et ad gentem Pontiam celebrandam, unde dux ille Samnium fuit insidiarum architectus, spectare videbantur.

Ubi autem quidquid ad Furcas Caudinas facere cognoverat, serie pulcherrima dispositum, singularique diligentia edolatum fuit, nec quidquam praetermissum, quin cuncta eruditione, et dictione nitescerent; Comes Wilzeckius promissi fidem liberaturus opus typis excudendum, et quinque tabulas aere incidendas anno MDCCCXVII curavit, nihil ut fieri posset magnificentius.

Quodnam vero fuerit de huiusmodi opere doctorum hominum iudicium, nihil est, quod ego pluribus heic persequar: satis enim, me tacente, praedicarunt litterariae tum Italorum, tum exterorum temporis illius ephemerides. Illud tamen praeterire tacitus nullo modo possum

quod Marchio Alamannius Academiae Florentinae scriba perpetuus Danielio per litteras significavit : quum nimirum una alteroque in academico conventu lucubrationem illam perlegisset; tantam et praestantiam rerum, et verborum elegantiam apud academicos universos excitatam esse admirationem, ut de communi sententia ipsum in collegarum numerum cooptaverint. Qui honos etsi ad unum Danielium delatus a doctissimis illis viris fuit; mihi tamen videtur non sine communi omnium Neapolitanorum laude fuisse delatus.

At Danielio non diu licuit esse in Sanelementino suo tam beato Dominicus enim Caracciolus Marchio Ferdinandi Regis a Secretis, Consiliiisque rerum exterarum, vir insigni ingenii, sapientiae, et obitarum legationum laude clarissimus, cui illius virtus, et doctrina satis et ex editis scriptionibus, et ex familiari consuetudine cognita erat, illum in scriniis regis militatum accire statuit. Quae res ab Horatio Cappellio Mar-

chione , acta tota fuit atque transacta. Quanta autem illius in munere obeundo eluxerit fides, dexteritas, abstinencia cum omnium perpetua, quae hac in re plurimum valet, praedicatio; tum vero Caraccioli ipsius, et Caroli Demarchi Regis a Secretis, et a Iustitiae, Clementiaeque consiliis, gravissimi, sanctissimique hominis, cui praesto deinceps fuit, benevolentia plurimis ad obitum usque argumentis testata declaravit. Sed haec fortasse non ita propria hominis nostri laus est, ut cum altero communicari nequeat: illa vero nescio an socium possit invenire, gratia nimirum, qua apud tantos viros pollebat, ad amicorum subsidium unice usum esse: atque illorum praesertim, quos disciplinis, artibusque elegantioribus deditos, quum eximia ingenii vi multo longius progredi possent; arcta tamen domi res, tanquam rupes aditu, adscensuque impervia morabatur. Atque permulti ex his vel in beneficiis ad aerarium, ipsius opera, delati, vel aliquo munere aucti, ubi e domesticae sese rei difficultatibus ex-

plicuissent, iter ad gloriam, atque ad laetiores saepe fortunam sibi patefecerunt. Quod fingi non potest quanta illi laetitia cumularet: siquidem eo non solum humanitate ducebatur, sed singulari etiam patriae caritate: cui tanto illustrius additum iri decus rebatur, quanto doctorum hominum maior esset, artificumque numerus, quorum ingenio, penicillo, aut scalpro, aut viriculo domi forisque nobilitaretur industria. Ac si cui tempus illud repetere memoria libuerit, inficiaturus, credo, non erit, quum is partim aemulationis stimulis apposite admotis homines acueret, partim praemiis per summos administratos, ut modo dictum a nobis est, a Rege munificentissimo exoratis incitaret, artes illas ita illustratas fuisse per nostros atque amplificatas, cultissimis ut Europae nationibus nequaquam invideremus.

Interea plurimum ipse laboris in concinnando Codice Fridericiano exhausit. Leges enim omnes collegerat, quas Fridericus II Imperator et Neapolitanus, Siculoque Rex egregie de utraque gen-

te meritis tulit, annorumque serie ordinatas, in hominum conspectum proferre cogitaverat. Quo vero gratior accideret labor ille suus, et fructuosior, multa, ubi sese obtulit occasio, de iure publico, multa de privato, multa denique de aetatis illius moribus, atque institutis docte, copiosque disseruit. Ante vero quam Codex vulgaretur, Rex providentissimus iussit VII viros Camarae, quod aiebant, Regalis, rem omnem serio expendere, quodque de ea videretur, ad sese referre. Sapientes illi senes omnibus ad examen diligentissime revocatis, retulere, dignam rem esse homine disciplinis interioribus expolito, dignam publicae lucis usura: cohortandum hominem, ne diutius Codex eo instructus ornatu iuris amatoribus deberetur. Qua profecto commendatione Rex permotus, ut suae in eum indulgentiae argumentum proderet, Danielium Historiographum Regium renunciavit; quem ante ipsum locum tenere Ioannes Baptista Vicus, et Iosephus Assemanius.

Heic autem si requirat a me quispian, quid fuerit causae, cur Codex tanta elaboratus cura, tantoque opere colaudatus neque id temporis, neque postea lucem adspexerit; nihil equidem, quod respondeam, habeo explorati. Illud autem, quod mihi veri admodum simile videtur, breviter hoc loco exponam. Vix Fridericianus Codex fuit absolutus, quum Danielius ad historiam Suevo-Siculam conscribendam manum adinovit: ubi praesertim Friderici II vitam, resque gestas fusa fideliterque enarraret, imperatorisque illius memoriam iniustis saepe vel errore, vel odio iniustam notis, quum veritas posceret, ab iniuriis vindicaret. Qua in provincia ornanda dura sane ac salebrosa, non modo scriptores illius aetatis sibi evolvendos, sed Italiae quoque, et Germaniae tabularia, doctorum amicorum opera, perlustranda esse duxit, ut quidquid monumentorum ad Fridericum pertinentium in illis conderetur, per se ipse cognosceret, quodque ex usu fore existimaret, deligeret, atque seponere.

ret. Quibus e monumentis pedetentim singula cogitateque ruspanti multa sese obtulere omnibus Italis Germanisque scriptoribus incognita, quae plurimum historiae Fridericianae lumen adaspergerent, multorumque arguerent historicorum negligentiam. Haec autem universa sibi comparare; quae obsita tenebris erant, bono in lumine, dispulsa caligine, collocare; inturbatam temporum rationem componere; dissidentes inter se auctores conciliare; omnia denique perinde atque rerum dignitas postulabat, describere; diuturni, et improbi cuiusdam laboris opus erat, complurium vigiliarum, sumtus non mediocris, animi demum pacati otioque abundantis. De qua postrema re idem ipse conqueritur in opere, de quo mox nobis erit sermo, doletque fortunae iniquitatem morae sibi atque impedimento fore, quominus quod promiserat, maximeque avebat, ad umbilicum perduceret. Quibus ego rebus in eam adductus opinionem sum, Danielium, donec historiam contexeret, domi Codicem

continuisse eo certe consilio, ne solus, sed libris de vita, rebusque Friderici, veluti comitibus honestatus, in publicum procederet. At quum aliae, ut fit, ex aliis subsilientes curae diutius rem distulissent, illuc tandem pessimo publico, ventum est, ut et Codice, et Historia careremus.

Verum ad Danielii res quo institueramus ordine expediendas revertamur. Magnus erat Danielio cum plerisque nostrae civitatis patriciis usus: maximus vero cum Antonio Caraphaeo Noiae Duce. Is avita gentis, suae gloria minime contentus (ignavi enim hominis esse aiebat aliena velle luce clarescere) omnes animi nervos illuc contendit, laude ut propria celebraretur ac sua. Itaque cum litterarum bonarum disciplinis mathematicarum, et physicorum studia coniunxit, atque ita persequutus est, quasi omnis inde rerum suarum ratio penderet. Quapropter Opticem in Gymnasio Neapolitano publice docuit ingenti cum plausu, et domi musaeum opulentissimum

comparavit, ubi et nostrates, et exteri non modo numismata rariora, sed ingentem vim praestantium monumentorum admirabantur. Musaeum cum primis invisere frequens solebat Danielius, animumque discendi cupiditate incensum, contemplandis tot monumentis, multiplici rerum cognitione imbuere; quum Dux agere cum eo coepit, ut cimelia illa aeneis tabulis effingenda, et brevibus animadversionibus explicanda curaret. Cui sane rei persciendae nullam noster moram interfecit, brevique XL tabulae expressae, et illustratae singulae perbrevis commentatione fuere. Atque ne eiusmodi cura longius protraheretur, Ducis clarissimi mors vetuit bonis omnibus luctuosa. Nihilo tamen secius Danielii opera XL illae tabulae anno MDCCCLXXVIII in lucem prodierunt: quibus amplissimi viri elogium praefixit laetali sermone elegantissime perscriptum; italico autem perbreves illas commentationes suas. Haec autem cum brevitate (quam, ut ab omnibus deametur, tamen ab huius aetatis philolo-

gicis scriptionibus exulare dolemus) cum brevitate, inquam, certare miraberis. eruditionis copiam non ubivis propôitae, sed e recondito antiquitatis penu depromptae. Qui liber nos omnino (paucâ enim admodum edita fuere exemplaria) fugisset; nisi Francisci Carellii equitis, et scribae Academiae Herculaneensis perpetui humanitate e lectissima bibliotheca sua facta nobis esset inspiciundi copia.

In cathedrali quidem ecclesia Panormitana sepulchra visebantur Regum Siculorum materia, opere, sculptisque imaginibus insignia, quae exterorum ad Siciliam, perlustrandae beatae illius insulae, apellentium oculos ad sese convertebant. Plerique autem dictitare, rem neque inutilem futuram neque iniucundam, si quis praestanti vir ingenio sepulchra illa, squa-lore deterso, ornaret opportuno commentario, ne diutius illuc adeuntibus crucem figerent. Hoc subire onus Danielius voluit, atque iis, qui harum rerum gustu tenerentur, de hominum nostrorum incuria expostulandi causam praeci-

dere. Ne vero quidquam operi, quod animo conceperat, deesse argueretur, Panormum aduagare, et in rem praesentem venire decrevit. Quo quum pervenisset, monumenta saepissime intervisens, saepissime intenta oculorum mentisque acie contemplatus nihil curae solertiaeque suae posthabuit, quo minus maxima, quoad eius fieri potuit, accuratone sepulchra, singulaeque illorum partes vel parvulae, aere inciderentur. Apertis vero monumentis perquam difficile dictu est, quanta posita fuerit diligentia, ne qua res honestandis, quum composita fuere, principum cadaveribus adhibita, se omnia circumspicientem, seduloque perpendentem fugeret, atque praeferiret. Igitur coronae, diademata, annuli, gemmae, chirothecae, balthei, enses, vestes, calcei, quidquid denique insignium, atque ornamentorum conditum ibidem fuerat, descripta singulatim fuere atque aeneis tabulis expressa. Haec porro omnia perattente inspicienti cufei quidam characteres in Henrici VI corona, in gemma diadematis Constantiae II,

atque in manicis albae Friderici II sese prodidere: quos ille describendos studiose, et aere exprimendos curavit. Tum eruditissimum Turrismutiae Principem pro amicitia rogavit, ne inscriptiones illas ad virum clarissimum Murrium Norimbergam mittere gravaretur: quam ille rem, qua erat humanitate, in sese e vestigio recepit. Murrius vero, nulla interposita mora cum Tycksenio, qui Butzowii linguas orientales in Academia Fridericiana magna cum laude profitebatur, communicavit. Hic autem non multa post intercedine humanissimas ad Principem dedit litteras, adscripsitque inscriptionum ad semissarum interpretationem, et vicissim ab eo efflagitavit, ne quidquid huiusmodi rerum in Sicilia prostaret, ab eoque collectum esset, vel posthac in apricum proferretur, ad se exuvio Arabo-Secularum antiquitatum studio inflammatum mittere dedignaretur. Hac tam uberi segete, collecta et ad scribendum copiosa; Neapolim Danielius cogitabat, quum Fratrum Augustinianorum tem-

plum ingressus Onuphrii Panvinii viri doctissimi, qui, florente adhuc aetate, Panormi praeinatus fatus raptus fuit, sepulcrum requirebat. Aegerrime autem tulit virum tantum, qui Italiam universam tot ingenii monumentis ornaverant, ne titulo quidem ornari teste cinerum in pace conditorum. Quamobrem antequam e Sicilia solveret, Panvinio monumentum de suo posuit. Quod satis declaravit, quo ille in viros doctrina insignes animo flet, quantaque eosdem non solum, dum viverent, sed etiam vita functos benevolentia prosequeretur. Huc et illa causa accedebat, quod turpe hominibus nostris existimaret; si magnus ille vir, quem longe ab se gentium extinctum Romani titulo statuque donaverant, apud nos sine ulla honoris significatione, ac poene oblitus iaceret.

Iam vero Danielius Neapolim reversus in ea Sparta, quam sibi instruendam delegerat, mentem defixit; operaque non instrenua usus anno post altero Rogerii I Henrici VI Imperatoris, Constantiae Nor-

thumannæ Imperatricis, alteriusque Imperatricis Constantiæ Aragoniæ, et Friderici II Imperatoris sepulchra satis pro rerum dignitate illustravit: quæ anno *MDCCCLXXXIV* e Typographico regio usitato chartæ, *typorumque* splendore in publicum evaserunt Regi, Reginaeque AA. inscripta, epistola sane quam docta atque eleganti. Quisquis autem opus illud percurrerit, is facile intelliget quanta Danielius abundaverit reconditarum doctrinarum cognitione. Quam enim multa illic inveniet, quæ ad summæ, mediique ævi antiquitates, quæ ad illorum sæculorum historiam, quæ ad rationes temporum, quæ ad artes pertinebant, quas dum ex universa Italia barbaries exegerat, in Sicilia sub lætissimis Regum illorum auspiciis Arabes-Siculi exercebant. Attamen non queo satis explicare quo mentis acumine, qua subtilitate iudicii, quo eruditionis delectu cuncta pervestiget, pervestigata difficultatibus extricet, extricata illustret, illustrata florida ubique dicendi forma persequatur. Quæ quidem omnia

quò maiorem legenti fructum afferunt et
delectationem, eo fuerunt quaerenti; ex-
pedientique salebrosiora. Nemo igitur mi-
rari debet, si liber is incredibili ubique
plausu exceptus magnum nomini illius
gloriae incrementum attulerit. Ac Ger-
manicum primis, quoniam plurima mi-
nimeque vulgaria ibidem de imperatoris
Henrici, et Federici ornamentis disputata
sunt, maximo in pretio habent, student-
que adhuc sibi quantacumque impensa
comparare.

At enim aliquot ante annos inter
Herculanenses socios fuit Danielius adle-
ctus, pluresque pro academico penso-
lucubrationes scripsit non inexcultas,
quibus affunderetur lux cimeliis, quae
ex Herculani, Stabiae, Pompeiorumque
sinu regia munificentia in dies effossa
vitam iterum, post tot saeculorum lap-
sum, hauriebant, et doctas academico-
rum manus opperiri videbantur; ut ni-
tori pristino, elutis sordibus, restitueren-
tur. Verum academia ipsa ne paulatim,
sociis vel fato extinctis, vel muneribus

(lata enim ipsis ad honores patebat via) alio advocatis, defloresceret, nonnulli per-
 tinuerant. Eodem Paschalis Carcani ac-
 cessit mors scribae academiae perpetui,
 immortalisque memoriae viri, qui ingen-
 tes ad obitum usque labores in Hercula-
 nensium voluminum editione devorarat.
 Quare Ferdinandus Rex, ne Neapolita-
 norum gloria imminueretur, gazaeque
 illae pretiosae tanta impensa e terrae vi-
 scribus erutae iterum, neglectu homi-
 num, oblivione sepelirentur; mandavit,
 ut novis collegis suppleretur academia,
 scribamque perpetuum Danielium crea-
 vit. Is igitur, ut honori simul onerique
 tanto satis, quantum in ipso esset, face-
 ret; neque Academia ex gloriae posses-
 sione; quam usu iam ceperat, deicere-
 tur; illuc omnes ingenii nervos con-
 tendit, nihilque praetermisit diligentiae
 solertiaeque suae, quo secius academiae,
 nominisque Neapolitani decus sartum
 omni ex parte tectumque servaret in iis
 voluminibus; quae post id temporis e
 praelis eius studio emissa in eruditorum
 manus venerat.

Iam vero fatalis illa tempestas ex transalpinis excita regionibus, quae Italiae diu impendere videbatur, tandem in pulcherrimas eius provincias effusa est, regnumque Neapolitanum inundavit. Hoc quidem tempore ab omni se munere abstinuit Danielius, domique abditus in musarum complexu conquievit. Huius autem ut otii domestici constaret ratio, ad numismata, quae seposita habebat, campana illustranda sese contulit. Mirabantur certe huiusmodi deliciarum studiosi, qui fieret, ut dum non pauci ex parvis quoque Campaniae urbibus numi vel aurei, vel argentei, vel aerei eruditorem manibus iamdudum tererentur; nullusdum ex Capuae urbis opulentissimae territorio prosiluisset in lacem, hominumque in conspectum sese dedisset. Goltzius quidem, Mayerius, Parisius, alique veterum numismatum collectores aliquot campanos numos recensuerant, effingendosque curaverant. At doctis iam hominibus illos adulterinos esse suboluerat, plaque respuerant. Attamen Maffei

mus purum putumque Capuae numum
 in Verona illustrata protulit litteris Oscis
 inscriptum dextera sinistrorsum ductis :
 ac licet illorum lectio diu ipsius torsisset
 ingenium, divinare tamen non potuit; in
 quam urbem moneta procusus foret.
 Ab Oliverio deinde lectus fuit, Capuae-
 que adsignatus. Mazochius porro in Dis-
 sertationibus Thyrrenicis XI uno eodem-
 que tempore in medium attulit: sed omni
 explicatione abstinuit, quandoquidem re-
 rum ibi tractandarum ratio aliorum tra-
 hebat: quod postea facere Guarnaccius
 in Originibus Italicis aggressus est. Ab
 Eckelio demum an. cīdīccccii alius eius-
 dem urbis numus prolatus est. Itaque ad
 id usque temporis xii numi campani ab
 eruditis conspecti numerabantur. Danie-
 lius vero habuit hac in re fortunam adeo
 sibi obsecundantem, ut non solum omnes,
 qui superioribus annis e terra erupe-
 rant, comparaverit; sed etiam sex om-
 nibus incognitos, et quatuor praeterea
 notos quidem, sed typis diversos fue-
 rit adeptus pulcherrima forma excusos, in-

tegreque servatos. Itaque XXII campana penes se numismata habebat: quae summo artificio incisa, non mediocri doctrina, atque eruditione illustravit. Atque his de Iovis, Dianae, Herculisque apud Campanos cultu lucubrationem adtexuit, perlustravitque omnem fere illorum regionem, quo verisimiliori coniectura posset ubinam locorum Dūs illis templa forent excitata commonstrare. Exscripsit postremo Mazochii in Marmor pagi Herculanei doctum sane commentarium, ut chartis suis aliqua, ut ipse inquebat, lux ex aurea illa summi viri commentatione, atque honor adiiiceretur. Librum autem hac ratione adornatum antiochice splendide, solemni illo more suo, excudendum curavit. Quantam quidem ab eruditis gratiam, hac numerum copia oblata, inierit, palam est universis. Lubet tamen hoc loco Morellii epistolam Venetiis ad ipsum datam commemorare: nanque *ei se*, inquit, *numismatum campanorum librum gratulari tam egregie expolitus: satis illo homines admoneri a*

manu peritissima profectum: omnia ad rem esse, omnia sapienter sobrieque disputata: quod raro solere in huiusmodi libris usuvenire.

Vix Thylesii opuscula edita in lucem fuerunt, Italianque peragrarare coeperunt; quum docti homines et carmina illius auctoris non pauca, et epistolas, quae diligentiam editoris fugerant, alii aliunde submittere. Ea in forulis condiderat Danielius, sicubi res, tempusque ferret, ut aliquando posset praelo subicere, et in vulgus efferret. Commodum autem Consentia Aloysius Thylesius venit presbyter oratorianus latinis, graecis, hebraicisque litteris admodum ornatus, atque ad Danielium itare domum coepit, eoque uti familiariter. Quumque de Antonio gentili suo mentio esset iniecta; is quasdam illius scriptiunculas, quas domo attulerat, Danielio impertitus est, neque orare illum ante destitit, quam exoraret, ut omnia, quae supererant, carmina, epistolaeque typis ederentur. Morem ei gessit Danielius, Thy-

lesii vitam tot ante annis ab se conscriptam retractavit, multisque eam locis fecit auctiorem: quibus absolutis, epistolaque ad Morellium, qui multa ex Bibliothecae Venetae codice subministraverat, scripta, adiectaque praefatione an. crioccciii ex Typographio Regio Antonii Thylessii Carmina et Epistolae lucem adspexere.

Anno autem proximo superiore Academia Herculaneensis, quasi ab interitu revocata fuit, immutatoque nomine Historiae, et Antiquitatum Academia vocitata: eiusque scriba perpetuus declaratus Danielius. Statim ille tabulas quae Templi Isiaci Pompeiis detecti formam, imaginesque parietibus depictas aere iam expressas collegit, quae deerant, exprimendas curavit, collegisque dispersitus est, ut omnium studio illuc conspirante volumen conficeretur; quo templum atque picturae idoneo cultu ornatae proponerentur oculis eruditorum. At strenuam, ut optabat, ei rei navare operam nequivit: valetudo enim, qua prospera usus

antea fuerat, tentari morbo identidem graviore videbatur. Itaque ex renibus laborare, atque doloribus acerbissimis affligi coepit, ut non semel ad extremum vitae discrimen fuerit adductus. Nihil tamen minus, ne muneri omnino deesset suo, affecta quoque valetudine, dissertationem ad Isiaci templi architectonicam pertinentem sibi exarandam suscepit: cuius partes aliquot semel in consessu academico iterumque legit; sed quo minus confectam conspiceremus, mors, ut mox dicendum nobis erit, intervenit.

Atque ecce ad eum annum devenimus, qui laboris, et vitae finem attulit Danielio. Furcae quidem Caudinae a multis saepissime expetebantur, maximeque ab exteris eruditis: at apud nostros invenire negotium erat sane perdifficile. Qua de causa in illo, quod commemoravimus, otio liber ab eo recognitus curis secundis,isque, quod aiunt, sapientioribus est, et qua refugendo, qua addendo ita multis partibus factus est locupletior, ut alius prope ab eo,

qui editus antea fuit, esse videretur :
annoq. ciorcccxi ex Angeli Trani officina ea, qua nihil cogitari potest splendidius, typorum, chartaeque magnificentia, in publicum emissus est.

At caudina haec vallis Danielio fuit ominosa. Nam anno ante xxxiv, quum prima illius commentatio absoluta fuit, gravissima oppressus valetudine parum a mortis limine abesse credebatur. Sensim autem, posita morbi violentia, convaleuit maxima amicorum laetitia. Neque heic imperare mihi possum quin perlepidum epigramma commemorem, quod ille sanitati redditus in pago, quod a caudinis furculis nomen traxisse fertur, ludibundus arboris cortici inscripsit.

GENIO LOCI

ET MUSIS BENE ADVOCATIS
QUOD MORTIS PERICULUM IN VALLE CAUDINA
FELICITER EVASERIT

THEOCRITVS

DE PURO CESPITE ARAM
NON SINE FLORUM SPARSIONE
ET LIBAMENTIS.

Hoc vero me epigramma admonet, ne silentio praetergrediar, Danielium perimagnum illorum numerum exarasse, quae privatis, aut publicis operibus, aut amicorum tumultis insculperentur, nec levem sibi in eo scribendi genere laudem quaesivisse. Hinc Ferdinandus Rex indictis an. ctoꝝccccv Sanleucii nundinis celebrimis, quum imperasset, ut ad Divae Mariae Gratiarum, cuius lux sacra agebatur; titulus pro foribus poneretur, alatusque ad Ipsum esset a nescio quo conceptus; statim repudiavit, Mirandaeque Duce[m] iussit Danielium adire satis in hisce litterarum bonarum lautitiis spectatum: ab eo melioris notae inscriptionem habiturum. Quae profecto inscriptio et Regi sese, et eruditis plurimum commendavit.

At mortis periculum, quod priori operis illius editione evasit, post alteram vitare non potuit, quamquam viribus erat admodum debilitatis vi morbi parvis ex intervallis acrius ingruentis. Sed paullulum relevari coepit, statuitque San-

clementem extremo septembri proficisci, illa adductus spe, quod purioris caeli spiritus, natalisque soli salubritas attritae valetudini posset adiumenti aliquid afferre. Neque primo spes fefellit: meliuscule enim habere videbatur, et ad amicos se novembri ineunte ad urbem scribebat rediturum. Dum autem ille expectabatur, nuncium allatum tristissimum est, prid. id. mensis ipsius morbum tanto in eum impetu ex improvise incubuisse, ut perbrevis unius diei spatio, aetatis LXVIII nondum exacto, absumserit incredibili luctu amicorum.

Hactenus vitae Danielii curriculum emensi sumus, vitae, inquam, studiis deditae, et literaria gloria circumfluentis. Quamquam plusculas eiusdem lucubrationes praeterii, quae, ut eadem ex officina profectae, non minus eruditae se probavere: Epistolas adversus Simeonium de vera Casertae origine: Amores Daphnidis, et Chloes a Longo Sophista descriptos ab Annibale Caro, cuius rarissimum possidebat codicem manu scriptum, e

graeco in hetruscum serinonem conver-
 sos cum praefatione studiose elaborata ty-
 pis Bodonianis excusos: De vita studiisque
 Francisci de Petris Icti aetatis suae non
 ignobilis commentarium qui chronologiam
 gentis Caracciolae praeit ab illo elucubra-
 tam. Neque eos commemoravi literarios
 labores, quos saepe affirmavit, scriptoque
 etiam tradidit se paratos habere, atque
 in lucem emissurum, si fors fortuna ali-
 quando adspirasset: Disquisitionem histo-
 ricam, diplomaticam, et iuridicam de feu-
 dali Casertae statu: Vitam Camilli Pe-
 regrii minoris, et opuscula: Epistolas
 Petri de Vincis ab adulterinis perpur-
 gatas, ornatasque adnotationibus: Vete-
 ris Capuae urbis descriptionem vetustis
 monumentis illustratam. Quae profecto
 satis perspicuo sunt documento, illum
 quidquid a rebus gerendis superesset tem-
 poris ad doctrinarum studia sine inter-
 missione retulisse. Mirandum igitur mi-
 nime est, si ingenii fama assidua exer-
 citatione diuturnaue perfecti Italiae fi-
 nes egressa, per cultiores Europae na-

tiones pervagata effecerit, ut non paucae doctorum hominum societates, quemadmodum Florentinam fecisse supra monuimus, ipsum magna honoris significatione, Petropolitanae, et Londinensis exemplum sequutae, cooptarint, et Magnus Equitum Hierosolymitariorum Magister, Ordinis sui, Paciaudio e vivis sublato, historiographum renunciaverit. Ab eaque nominis celebritate etiam fuit, quod nemo Neapolim ex doctis illis hominibus veniret, quin Danielium inviseret, ac sibi ingenii morumque decatus elegantia, dulci amicitiae vinculo devinceret. Exinde autem plerique litteras ad eum missitare non destiterunt; plerique in libris suis meritis ipsum laudibus affecerunt. Quos quidem si vellem haec adscribere universos, et quasi decurias proponere, utraque mihi esset pagina implenda. Quare satis crediderim fore, si receperim, qui huiusmodi epistolas colligeret; ederetque in lucem; eum molis non exiguae volumen confecturum. Porro Cajetanus Marinus vir doctissi-

mus, qui mihi instar omnium erit, multa multis Papyrorum suarum locis de illo praedicavit, multaque testatus est sibi subministrata fuisse adiumenta ad eas, quae in manibus erant, res enucleandas perapposita;

Atque hactenus Danielium, ut dicere coeperamus, litteraria gloria florentem contemplati sumus; iam christiana, civilique virtute ornatum tantisper intueamur. Profecto, quam a prima adolescentia combiberat, religionem ad extremam vitam magno studio complexus est, nulloque prae se tempore non tulit: itaque singularis erat illius in Deum, et in Servatorem nostrum pietas. Atque etsi ab anili superstitione aberat; nunquam tamen a sanctissimis Ecclesiae legibus discedendum sibi putavit. Indidem vero ceterae fluxere virtutes illae, quibus eius vita enituit: in primisque eximia quaedam misericordia in calamitosos: quorum nemo ad ipsum accessit, cui non opitularetur. Atque ita aliquando prolixus in quosdam fuit, admodum ut sibi pareus esse, attentusque cogeretur.

Porro in amicitia colenda affirmare
equidem ausim neminem reperiri, qui
possit cum eo comparari. Illos enim,
quos doctrinae secum, aut virtutum si-
militudo implicuerat, omnibus amoris ar-
gumentis prosequabatur: neque poterat
eam coniunctionem res ulla incidere,
vel dissuere: vereque eius amicitiae,
contra atque doctus quidam e Graecia
vir suadere videbatur, erant immortales:
deque illo praedicari potest, domum, quae
adolescentiae patuit, fuisse familiarissi-
mam senectuti. Quod difficillimis maxime
temporibus patefactum est: quum enim
plerique omnes vel levi proposito metu
dilaberentur; ille nullo periculo deterri-
tus est, quominus amicos graviori fortuna
perculosos sublevaret. Ac rogandi etiam
non raro molestia, quae modestissimo cui-
que gravissima est, liberavit: cognito
enim quid opus illis ususque foret, ultro
operam detulit suam, nec labore defatiga-
ri, nec prohiberi incommodo, nec deni-
que, nisi perfecta re, potuit conquiescere.
Nullius vero gloriae obrectatus un-

quam est, ut in alteram potius peccaret partem : neque laudis, ut Graeci olim fuisse perhibentur, avarus fuit, sed profusior : quod eam ob causam faciebat perlibenter, quod laudem diceret a paucis animo bene a natura informato persolutam, si quidem inter invidorum strepitum exaudiri posset, veluti laborum mercedem saepe manere homines, quorum vita ferme tota in rerum cognitione versata esset.

In familiari congressu comis erat, dulcisque oratio, et attico lepore adpersa. Ac si quando commotior videretur, non in homines, sed in hominum perperam facta, aut male sanas opiniones irascebatur : tum vero maxime, quum insignes viros, omnisque doctrinae duces, et antesignanos a minutis quibusdam hominibus male accipi intelligeret. Quoniam vero memoria, ut praediximus, valeret plurimum, et nemo esset patriae historiae peritior : nihil ab eo exposceres, quod non erudito sermone iucundoque expediret ; quare ab eo nunquam, nisi hu-

mana quadam voluptate perfusus, doctiorque discederes. Ea de re factum, ut maximum ille vita perfunctus non litterarum modo et doctrinae, sed humanitatis etiam, et urbanitatis suae desiderium reliquerit.

Atque huc usque Francisci Danielii effigiem veluti quamdam, ut ab initio propositum nobis fuit, adumbravimus, unde facile quisque perspiceret quam insignes ingenii fuerint illi animique dotes a natura impertitae, quanto labore per ipsum excultae, quantaque sedulitate ad tantam amplitudinem perductae. Quibus profecto de causis Danielii, mortalitas non commiseratione, sed gratulatione digna debet existimari. Namque ille, vita ad religionis christianae normam composita, et ad calcem usque decursa, ex hoc omnium malorum domicilio emissus ad Deum et I. C. iter habuit liberum atque expeditum. Tam multis autem ingenii monumentis post obitum relictis nomen apud eruditos suum celebravit, commendavitque posteritati. Quam in rem siquid per tenuis hic labor amicitiae causa a me,

et collegarum auctoritate susceptus con-
ferret; equidem essem laetissimus: ali-
quam enim plurimis eius in me meritis
referrem gratiam, accideretque; quod
apud Platonem Socrates in Menxeno in-

quiebat: Εργον υπαρχοντων λογω υπερβησι μεμενη και
λογωις τοις πραξεσι γιγνεται παρα των ακουσαντων.

Quum in monitu ad lectorem elegos commemorassem a me apud Villarosae Marshionem recitatos ; monitumque illud adhuc a praelo calens vir amicissimus legisset ; instare is coepit, a meque flagitare, ut huic commentario elegos adtulerem. Equidem, ne satis amicitiae ratio habita a me esse videretur ; elegiam describendam, atque huc reiiciendam existimavi.

Si mihi, dum vixi, nemo exstitit, o Danieli,
 Carior his oculis, carior hac anima ;
 Ac tecum mellis sane mihi adire fuisset,
 Qua per hyperboream terra macet glaciem
 A solis disiuncta via ; aut qua proximior, quam
 Par est, ignivomis percalet ab radiis ;
 Quid faciam, vel quo me vertam hoc tempore, cum tu
 Corporis abruptans vincula, sideras
 Evasti superum sedes, placidoque piorum
 Concilio, ipsa aura tenuior aethera,
 Adscriptus frueris merito securus honore,
 Et quaecumque bonos morte manent obita ?
 Me certe exorto, me occaso sole videbis
 Squalere in lucis perditum, et in lacrimis.
 Nam quae vi presso tanta, mersoque doloris
 Unde aut mi poterit fulgere spes reliqua ?
 Heu amissa mihi lux iucundissima vitae !
 Haec amissa mihi pars animae melior !

Obscurus veloti sola sub nocte viarum
 Per deserti sui qui duos fretus iter
 Naturat; nec opinantem caligine in ipsa
 Fido fors si qua avellerit a latere;
 Tum miser extemplo, quoniam contendere grassum
 Ignarus, gelido cuncta per ossa metu
 Contremere, sique duces inelamare: at diditur auras
 Nequidquam in liquidas vox, nec amica redit
 Ignotae tutela viae, quem perpulit error
 Iam diversum aliis pergere tramitibus.
 Sic mihi per caecos vitae calles, saepebraeque,
 Fortunae casus inter et ancipites:
 Erranti, atque prope in diem, et horas multa timenti
 Ille aderat dux, quam strenuus! ille comes.
 Et leni modo consilio, modo ope adiutare
 Praesenti, modo dulci erigere adloquio
 Curabat, quod ei facundo ex ore fluabat
 Melle, vel ipsa suavius ambrosia.
 Nonne et saepe meis altro rationibus iuit
 Consultum prompto, ut mos, animo, ac studio
 Incenso? quam equidem nec quidquam tale rogassem;
 Et bene longo post tempore rescierim
 Tam cari officii partes non arte paratas,
 Sed quas natura inseverat a puero.
 Et mihi vir talis non est legendus ademptus?
 Non semper virtus tanta colenda mihi est?
 Quid porro quod ad extremum discrimen inique
 Sicubi amicorum res fuit, atque salus
 Adducta; ille suum caput obiectare periculis
 Visus, et ignem se se ruere in medium;
 Ut, qua oblata esset via, tutaretur amicos,
 Et tristi elueret pectore amaritiam?

Virtutum sacunda parens; altrixque virorum,
 Graecia, praestantum militum, atque domi-
 Ne iactare velis mihi Thesaei, Pirithoumque.
 Quotquot et insignis foedere amicitiae
 Heroes inter sacris clarere vetustis
 Fabula, vel verax prodidit historia.
 Audacter quovis contendam pignore, nullum
 Prae nostro bis titulis entuisse virum.
 At tu stelligeri considere vertex Olympi
 Parce, precor, nostris plurima carminibus
 Si decora illa tui, Danieli, animi, ingenique
 Indicta, et nullis laudibus aucta sient.
 Sunt qui illud curae sibi habent; accerere divas
 Laurifero e Pinthoealmine Pieridas;
 Et magno celebrare iussu te sacra obeuntem.
 Palladis a teneris unguibus, ad Themidis,
 Quo nomenque tuum, laudesque obliviam nulla
 Carpent, atque aetas postera suspiciat.
 Nunc mihi collibitum est aperire fidelis amici
 Quam caste, et sancto exsolveris officia.
 Unde novum, atque ingens nostro decus additus aevo est
 Exemplum inter nos unicum amicitiae.